



Broj: 04-18-6693-6/16  
Zenica, 23.05.2016. godine

Na osnovu člana 69. stav (2) tačka d) Zakona o javnim nabavkama ("Službeni glasnik BiH", broj: 39/14), ministar Ministarstva za privredu Zeničko-dobojskog kantona, na preporuku Komisije za javnu nabavku, donosi

**O D L U K U**  
o poništenju postupka javne nabavke usluga  
geodetskog snimanja kamenoloma i jame sa podzemnom eksploatacijom koncesionara na području  
Zeničko-dobojskog kantona

**Član 1.**  
**(Predmet)**

Poništava se postupak nabavke po Konkurentskom zahtjevu za dostavu ponuda u predmetu broj: 04-18-6693/16, broj obavještenja na portalu javnih nabavki: 1199-7-2-1/16 koji se odnosi na nabavku usluga geodetskog snimanja kamenoloma i jame sa podzemnom eksploatacijom koncesionara na području Zeničko-dobojskog kantona, jer nijedna od primljenih ponuda nije prihvatljiva.

**Član 2.**  
**(Objava odluke)**

Ova Odluka će se objaviti na internet stranici Zeničko-dobojskog kantona, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama ("Službeni glasnik BiH", broj: 39/14).

**Član 3.**  
**(Obavješćavanje ponuđača o rezultatima)**

U skladu sa članom 71. Zakona o javnim nabavkama ("Službeni glasnik BiH", broj: 39/14), Obavješćenje o poništenju postupka javne nabavke dostavit će se, sa Odlukom o poništenju postupka javne nabavke i Zapisnikom o pregledu i ocjeni ponuda, ponuđačima koji su učestvovali u postupku javne nabavke, istovremeno, a najkasnije u roku od sedam dana od dana donošenja Odluke.

**Član 4.**  
**(Stupanje na snagu)**

Ova Odluka stupa na snagu danom donošenja.

**O b r a z l o ž e n j e**

Postupak nabavke pokrenut je Odlukom o pokretanju postupka javne nabavke usluga geodetskog snimanja kamenoloma i jame sa podzemnom eksploatacijom koncesionara na području Zeničko-dobojskog kantona broj:04-18-6693/16 od 24.03.2016. godine. Javna nabavka je provedena po konkurentskom zahtjevu za dostavljanje ponuda u skladu sa članom 88. Zakona o javnim nabavkama ("Službeni glasnik BiH", broj: 39/14). Procijenjena vrijednost javne nabavke bez PDV-a je 49.000,00 KM. Ugovorni organ je objavio obavješćenje i tendersku dokumentaciju na portalu javnih nabavki broj: 1199-7-2-1-3-2/16 dana 31.03.2016. godine.

Komisija za javnu nabavku, imenovana Rješenjem ministra Ministarstva za privredu broj: 04-18-6693-1/16 od 24.03.2016. godine, je blagovremeno izvršila javno otvaranje ponuda, te pregled i ocjenu ponuda.

U Zapisniku o otvaranju ponuda od 20.04.2016. godine je navedeno da su u predviđenom roku prispjele 4 (četiri) ponude i to:

1. Ponuda ponuđača "GEODATA" d.o.o. Jajce;
2. Ponuda ponuđača "GEO MAP" d.o.o. Prijedor;
3. Ponuda ponuđača "BNpro" d.o.o. Sarajevo; i
4. Ponuda ponuđača "ZEDIS" d.o.o. Zenica.

Nakon pregleda i ocjene ponuda, utvrđeno je da nijedna pristigla ponuda nije prihvatljiva, odnosno da nijedna pristigla ponuda ne zadovoljava kriterije postavljene u tenderskoj dokumentaciji i to:

**1. Ponuda ponuđača „GEODATA“ d.o.o. Jajce, Kralja Tvrtka I 2/11:**

- Ponuđač u svojoj ponudi nije dostavio potvrdu na način kako je traženo u tački 2.2.2. Tenderske dokumentacije, odnosno da je ponuđač dužan u svrhu dokazivanja profesionalne sposobnosti (član 46. Zakona) uz ponudu dostaviti potvrdu nadležnog organa (Federalno ministarstvo energije, rudarstva i industrije ili nadležne uprave za inspekcijske poslove) kojom se dokazuje da ponuđač ispunjava uslove da na području Federacije Bosne i Hercegovine obavlja profesionalnu djelatnost, koja je u vezi s predmetom nabavke. Naime, ponuđač je dostavio akt "Dokaz o ispunjavanju uslova za izvođenje poslova rudarskih geodetskih mjerenja na površini" Federalne uprave za inspekcijske poslove, Sarajevo, broj: UP1-16-18-00011/2016-1608-2-P od 21.01.2016. godine, u kojem je navedeno da "...privredno društvo "GEODATA" d.o.o. Jajce ispunjava uvjete za izvođenje poslova rudarskih geodetskih mjerenja na površini...". Navedena potvrda nije u skladu sa predmetom nabavke iz razloga što je predmet nabavke pružanje usluga geodetskog snimanja kamenoloma i jame sa podzemnom eksploatacijom koncesionara na području Zeničko-dobojskog kantona, a što podrazumjeva i ispodpovršinsko mjerenje.
- Ponuđač je u svojoj ponudi dostavio parafiran Nacrt okvirnog sporazuma iz Aneksa 10 Tenderske dokumentacije, ali isti nije popunio kako je traženo u tački 11. Tenderske dokumentacije.
- Ponuđač u svojoj ponudi nije dostavio spisak uredno izvršenih ugovora u posljednje tri godine kako je traženo u tački 2.2.4. Tenderske dokumentacije. Spisak ugovora u posljednje tri godine treba da sadrži: puni naziv i sjedište ugovornih strana, predmet ugovora, broj i datum ugovora i ukupnu vrijednost ugovora. Ponuđač je u svojoj ponudi dostavio ugovore o pružanju usluga geodetskog premjera rudarskih radova za potrebe Ministarstva zaključene sa Ministarstvom privrede Srednjobosanskog kantona broj: 01-49-105/08-7 od 17.10.2008. godine i broj: 04-14-817/09 od 09.03.2010. godine kao i potvrdu, broj: 01-14-sl/11 od 26.10.2011. godine, o uredno izvršenim ugovorima izdatu od strane Ministarstva privrede Srednjobosanskog kantona i Potvrdu izdatu od strane Agencije za inženjering, konsalting i projektiranje „Meding“ Kiseljak od 12.04.2016. godine kojom se potvrđuje da je „Geodata“ d.o.o. Jajce bila podizvođač radova na pružanju usluga za potrebe Ministarstva privrede Srednjobosanskog kantona, a što nije u skladu sa uslovima traženim u tenderskoj dokumentaciji.

**2. Ponuda ponuđača „GEOMAP“ d.o.o. Prijedor, Muharema Suljanovića bb:**

- Ponuđač u ponudi nije dostavio potvrdu na način kako je traženo u tački 2.2.2. Tenderske dokumentacije, odnosno da je ponuđač dužan u svrhu dokazivanja profesionalne sposobnosti (član 46. Zakona) uz ponudu dostaviti potvrdu nadležnog organa (Federalno ministarstvo energije, rudarstva i industrije ili nadležne uprave za inspekcijske poslove) kojom se dokazuje da ponuđač ispunjava uslove da na području Federacije Bosne i Hercegovine obavlja profesionalnu djelatnost, koja je u vezi s predmetom nabavke. Dokaz se dostavlja kao original ili ovjerena kopija originala, s tim da datum izdavanja originala ne može biti stariji od tri mjeseca računajući od dana dostavljanja ponude (pod danom dostavljanja ponude smatra se dan/datum, koji je Ugovorni organ, odredio u ovoj tenderskoj dokumentaciji kao dan/datum za prijem ponuda). Umjesto tražene potvrde ponuđač je dostavio sljedeće:
  - Aktuelni izvod iz sudakog registra, Okružni privredni sud u Banjoj Luci, broj: 057-0-Reg-Z-16-000454 od 10.02.2016. godine - ovjerenu kopiju,
  - Rješenje Republičke uprave za geodetske i imovinsko-pravne poslove, Banja Luka, broj: 21.01/955-27/14 od 12.11.2014. godine - ovjerena kopija, i

• Zapisnik o inspekcijskom pregledu Kantonalne uprave za inspekcijske poslove Zeničko-dobojskog kantona, broj: 18-18-00914/16-08-001 od 9.02.2016. godine, sa Službenom zabilješkom broj: 18-18-00914/16-08-002 od 12.02.2016. godine - ovjerene kopije.

- Ponuđač u svojoj ponudi je dostavio Referent listu (spisak) uredno izvršenih ugovora koja ne sadrži sve elemente kako je traženo tačkom 2.2.4. tenderske dokumentacije, jer u istoj nisu navedeni broj i datum ugovora i ukupna vrijednost ugovora. Pored navedenog dostavljena potvrda o uredno izvršenom ugovoru izdata od strane ArcelorMittal Prijedor d.o.o. Prijedor ne sadrži broj i datum ugovora ni ukupnu vrijednost ugovora.

**3. Ponuda ponuđač „Bnpro“ d.o.o. Sarajevo, Buka br. 6.:**

- Ponuđač u ponudi nije dostavio potvrdu na način kako je traženo u tački 2.2.2. Tenderske dokumentacije, odnosno da je ponuđač dužan u svrhu dokazivanja profesionalne sposobnosti (član 46. Zakona) uz ponudu dostaviti potvrdu nadležnog organa (Federalno ministarstvo energije, rudarstva i industrije ili nadležne uprave za inspekcijske poslove) kojom se dokazuje da ponuđač ispunjava uslove da na području Federacije Bosne i Hercegovine obavlja profesionalnu djelatnost, koja je u vezi s predmetom nabavke. Dokaz se dostavlja kao original ili ovjerena kopija originala, s tim da datum izdavanja originala ne može biti stariji od tri mjeseca računajući od dana dostavljanja ponude (pod danom dostavljanja ponude smatra se dan/datum, koji je Ugovorni organ, odredio u ovoj tenderskoj dokumentaciji kao dan/datum za prijem ponuda). Umjesto tražene potvrde ponuđač je dostavio Zapisnik i zaključak Federalne uprave za inspekcijske poslove, Sarajevo, broj: 16-18-05300/2011 od 16.12.2011. godine – ovjerena kopija.

**4. Ponuda ponuđač „ZEDIS“ d.o.o. Zenica, Bulevar Kralja Tvrtka I 11b:**

- Ponuđač u svojoj ponudi nije dostavio potvrdu na način kako je traženo u tački 2.2.2. Tenderske dokumentacije, odnosno da je ponuđač dužan u svrhu dokazivanja profesionalne sposobnosti (član 46. Zakona) uz ponudu dostaviti potvrdu nadležnog organa (Federalno ministarstvo energije, rudarstva i industrije ili nadležne uprave za inspekcijske poslove) kojom se dokazuje da ponuđač ispunjava uslove da na području Federacije Bosne i Hercegovine obavlja profesionalnu djelatnost, koja je u vezi s predmetom nabavke. Dokaz se dostavlja kao original ili ovjerena kopija originala, s tim da datum izdavanja originala ne može biti stariji od tri mjeseca računajući od dana dostavljanja ponude (pod danom dostavljanja ponude smatra se dan/datum, koji je Ugovorni organ, odredio u ovoj tenderskoj dokumentaciji kao dan/datum za prijem ponuda). Umjesto tražene potvrde ponuđač je dostavio Rješenje Federalnog ministarstva energije, rudarstva i industrije broj: 06-18-450/2005 od 27.07.2005. godine – ovjerena kopija.

- Ponuđač u svojoj ponudi nije dostavio spisak uredno izvršenih ugovora u posljednje tri godine kako je traženo u tački 2.2.4. Tenderske dokumentacije. Spisak ugovora u posljednje tri godine treba da sadrži: puni naziv i sjedište ugovornih strana, predmet ugovora, broj i datum ugovora i ukupnu vrijednost ugovora.

Na osnovu svega navedenog, a u skladu sa članom 69. stav (2) tačka d) Zakona o javnim nabavkama ("Službeni glasnik BiH", broj: 39/14), odlučeno je kao u dispozitivu.

**Pouka o pravnom lijeku:**

Protiv ove Odluke može se izjaviti žalba Ministarstvu za privredu Zeničko-dobojskog kantona, u roku od 5 (pet) dana od dana prijema ove Odluke. Žalba se podnosi u najmanje 3 (tri) primjerka.

Dostavljeno:

1x Svim ponuđačima

1x a/a



